

讀濤老容丈唱和詩步原韻奉酬

陳傑南

同作江湖汗漫遊，飄然不繫打風舟，談心親友來三島，極目家鄉倚一樓，天地蒼茫容我寄，河山破碎倩誰修？反攻且喜期非遠，待飲黃龍散百愁。

霧熱惱人

中居盆地盡山窠，盛夏炎炎雨量多；可畏驕陽張火傘，祇嫌濃霧蓋山河。

戀陪都

—重慶—

萬琮

空襲來臨

無情鐵鳥自空來，彈下纍纍飽受災；城郭凋殘餘焦土，終摧敵餓運重開。

江山景色

巍巍聳立繞山城，玉帶腰環巒壑晴；點點江帆隨浪駛，白鷗翻轉動幽情。

生活互異

財閥奸商意泰然，祇憐寒士命顛連；旣衣敝服餐霉米，自苦安貧不怨天。

双月映江

（長江與嘉陵西江會流處以水位高低關係反映双月）

兩江口吞鎖咽喉，南北奔馳會一流；夜靜中天懸皓鏡，映成双月劃源頭。

滑桿代步

流浪南疆

朝天門上百梯岩，盡是崎嶇懸壁巉；舍渡再登双竿轎，高人頭上看歸帆。

矢志勿渝抗暴梁，八年浴血振華光；而今流浪南疆土，何日揮戈轉故鄉。